

影印

文淵閣四庫全書

第一一七四冊

北京出版集團公司
北京出版社

欽定四庫全書

集部

西山文集

目錄
卷一

詳校官庶吉士臣張溥

主事臣呂雲棟覆勘

總校官降調編修臣倉聖脈

校對官主事臣陳墉

謄錄監生臣章裕曾

欽定四庫全書

集部四

西山文集

別集類三宋

提要

臣等謹案西山文集五十五卷宋真德秀撰

德秀有四書集義已著錄考宋史本傳德秀

有西山甲乙稿對越甲乙集經筵講義端平

廟議翰林詞草四六獻忠集江東救荒錄清

源雜志星沙集志諸書此本為明萬厯中福

欽定四庫全書

西山文集
提要

建巡撫金學曾所刊

國朝浦城縣知縣王允元又補葺之所載詩賦

而外惟對越甲乙稿經筵講義翰林詞草三

種自分卷帙其餘序記等作但以類次不別

分名目或即本傳所謂西山甲乙稿者未可

知也他如端平廟議諸書俱不編入疑其闕

佚尚多然馬端臨通考所載亦作五十六卷

則此本所少僅一卷殆宋時刊本即未嘗以

諸書編入耶德秀生朱子之鄉故力崇朱子

之緒論其編文章正宗持論嚴刻於古人不

貸尺寸而集中諸作吹噓釋老之焰者不一

而足有不止韓愈羅池廟碑為劉昫所譏與

大顛諸書為朱子所撫者白壁微瑕固不必

持門戶之見曲為隱諱然其他著作要不失

為儒者之言亦不必竟以一青掩也乾隆四

十六年四月恭校上

欽定四庫全書

西山文集
提要

總纂官臣紀昀臣陸錫熊臣孫士毅

總校官臣陸費墀

欽定四庫全書

集部四

西山文集目錄

別集類三

宋

卷一

古詩

律詩

賦

卷二

對越甲藁一

欽定四庫全書

西山文集
目錄

卷三

對越甲藁二

卷四

對越甲藁三

卷五

對越甲藁四

卷六

對越甲藁五

卷七

對越甲藁六

卷八

對越甲藁七

卷九

對越甲藁八

卷十

對越甲藁九

欽定四庫全書

西山文集
目錄

卷十一

對越甲藁十

卷十二

對越甲藁十一

卷十三

對越乙藁一

卷十四

對越乙藁二

卷十五

對越乙藁三

卷十六

對越乙藁四

卷十七

對越乙藁五

卷十八

經筵講義

欽定四庫全書

西山文集
目錄

卷十九

翰林詞草一

卷二十

翰林詞草二

卷二十一

翰林詞草三

卷二十二

翰林詞草四

卷二十三

翰林詞草五

卷二十四

記上

卷二十五

記中

卷二十六

記下

欽定四庫全書

西山文集
目錄

四

碑

卷二十七

序上

卷二十八

序中

卷二十九

序下

卷三十

問答上

卷三十一

問答下

卷三十二

講義

策

策問

卷三十三

欽定四庫全書

西山文集
目錄

五

說

箴

頌

銘

贊

卷三十四

題跋上

卷三十五

題跋中

卷三十六

題跋下

卷三十七

書上

卷三十八

書下

卷三十九

啟

卷四十

文

辭

卷四十一

神道碑

卷四十二

墓表

欽定四庫全書

西山文集
目錄

六

墓誌銘一

卷四十三

墓誌銘二

卷四十四

墓誌銘三

卷四十五

墓誌銘四

卷四十六

墓誌銘五

卷四十七

行狀

卷四十八

青詞上

卷四十九

青詞下

卷五十

欽定四庫全書

西山文集
目錄

七

疏語上

卷五十一

疏語下

闕

卷五十二

祝文上

卷五十三

祝文中

卷五十四

欽定四庫全書

西山文集
目錄

祝文下

卷五十五

祭文

欽定四庫全書

西山文集卷一

古詩

登南嶽山

煙霞本成癖況復遊名山舉手招白雲欲納懷袖間吐
哉亦癡絕有著即名貪振衣遇長風浩浩天地寬

題金山

欽定四庫全書

西山文集
卷一

江來朱方注之東海潮怒飛日夕相撞春天將古來義
士骨化作狂瀾中央屹立之青峰孤根直下二千尺動
影裊窈冲融中黃金側布蘭若地鑿翠面面開牕櫺雙
撓伊軋破浪屋恍忽置我高巖從是時千山雪新霽水
面月出天清空濤聲四起人籟寂毛髮蕭爽琉璃宮披
衣明發躡煙靄決皆俯入歸飛鴻襟前渤澥斂暝色袖
裏岷峨吹曉風越南燕北但一氣塵埃野馬何時窮蒼
梧虞舜不可叫王事更恨歸匆匆

送湯伯紀歸安仁

交情世豈乏道合古所難自我得此友清芬襲芝蘭苦
語時見箴微言獲同參相從仁義林超出名利關此樂
未渠央忽告整征驂索居可奈何使我喟且嘆至危者
人心易汨惟善端苟無直諒友戒謹空扞盤重來勿愆
期同盟有青山聖經如果日羣目仰輝耀利欲滑其中
雲霧隔清照正須澄心源乃許窺道妙周程千載學敬
靜兩言要幾微察毫芒根本在與竅持此當弦韋迂矣
欽定四庫全書

君莫誚

送裘司直得請西歸

輕舸龍山頭木蘭作雙櫓飄然裘司直乘向南昌去問
君鷗鷺中脫身遽如許棲遲三十年始得官掌故小須
上上考豈不登省戶自言野心性昧目九衢霧修竹歲
云晚萱草秋亦暮嗷嗷投林鳥猶得反其哺江西父母
邦非復昔饒裕蠻煙一腥穢樂歲且狼顧遺黎空扞軸
行旅窘刀布天門竊萬里可望不可籲君今佐元帥精

采繫一路瘡痍俟滌濯畫諾歸仗助先聲路人喜高節
懦夫慕過當再前席一正天子度白鷗沒浩蕩蒼鶻在
指呼我亦南陔人扁舟從此具

題八君子圖後

劉子出西江訪我江之東何人與偕來銜袖八鉅公韓
歐開濟姿如晴月生空路公山嶽重文正霜檜同玉立
者坡仙天游匪涪翁一朝參我前毛髮生清風淒其趙
韓王小異凌煙中半山執拗面亦得傳無窮

趙中令像
與今原廟

欽定四庫全書

脩食本不
同故云

泉州貢闈慶成

維南有州古佛國選佛場開自疇昔誰歟經始梅溪翁
萬桂森森皆手植文風日盛賢材多粉袍立鵠肩相摩
萬間底士豈不欲環視奈無餘地何那知吉壤在咫尺
鬼神撫呵天所惜一朝幻出青瑤宮山靈獻卜龍避席
昔虞局促今恢舒乘黃騁足騰康衢闢新葺舊兩輝映
美哉輪奐雄規撫歲直金虬大魁出騰喜慶成逢此日

來春甲子又一周天相吾泉真可必蟬聯四坐皆豪英
一樽敬為諸君傾浮雲富貴靡定態要看名節留芬馨
我今歸作漁樵侶清夢猶馳筍江辭鳳鳴側耳聽朝陽
把酒空山為起舞

壬午春社之明日請尊老會于西山之精舍龐

眉皓首奕奕相照真吾邦希闊之盛事輒成

口號一首併呈諸耆壽且堅異日早退之約

云

欽定四庫全書

西山文集
卷一

四

耆年自是國之珍何間衣冠與隱淪華髮共成千一歲
清樽相對十三人休談洛社遺風舊且頌僊游慶事新
三徑未荒宜早退要將壽櫟伴莊椿

長沙贈高年陳氏母子

陳氏春秋一百一兒女年皆過七十一門慈孝更雍愉
四老真堪入畫圖長官中聞太守喜召至階庭加盛禮
老萊綵服作兒啼今視古人更過之老萊一身娛戲耳
況有三兒奉甘旨人言潭俗不古如君看此事天下無

一門高壽何由得慈孝之人天所惜我願湘民胥傲之
從此九州皆壽域

長沙新第呈諸學士

莫清彼瀟江莫峻彼衡嶽澄光挾秀氣日夜相回薄月
吸珠含胎虹貫玉生璞子方有苗裔溫然粹而慤一童
與三何雙鳳兩鸞驚奮身辭草萊正論吐謬謬彤庭拜
恩歸天香尚盈握良才國之寶一見我心樂平生功名
會萬里初著脚永肩致主念更勉經世學錙銖分義利
毫縷辨純駁相期激清風與俗洗氛濁誰歟指其南是
邦有先覺

送林自知自幙中歸常寧

始吾與林子周旋大江東子方清且貧簞瓢屢云空勁
氣凜不折耿耿如長虹明年擢高科對策大明宮一尉
遲五年出入無奴僮再見湘水濱凜凜復昔同招徠元
戎幙汎綠依芙蓉小生敢相吏故人儻相從云胡歲未
竟決去如霜鴻挽之不可留聊復少從容老我慵且鈍

欽定四庫全書

西山文集
卷一

五

栽培欠深功子進未可量德業方崇崇永懷昔君子和
氣填心胃濂溪霽月朗伊水春風融至今想其人猶為
起敬恭天資貴強矯學力無終窮我如石之頑遲子相
磨礪子質雖玉瑩可廢它山攻鴈峰毋久留來思靈麓
峰

司理弟之官岳陽相別于定王臺悽然有感為

賦五詩以餞其行

定王百尺臺長安萬里目昔人思親心山川詎能局於

欽定四庫全書

西山文集
卷一

六

焉共登臨使我增感觸微霜隕陔蘭悲風撼庭木銀山

在何許白雲但空谷搔首重裴回冥冥江樹綠

念昔戲綵時歡娛共晨夕天風吹驚鴻一散不並翼相

逢重湖南感歎復悽惻王事不可留去指重湖北層樓

時悵望茫茫楚天碧數寄平安書老懷庶寬釋

憶我將漕年適如子今日於焉四閨餘過眼風雨疾壯

彊豈足恃進德當汲汲永懷古之人聞道在四十我慚

已過之因循悼前失子盍猛自鞭聖門本無柅

心源本澄靜皎月懸晴空利欲一汨之晶明變塵暎擾
擾千蛟虬攢攢萬鉞鋒昏冥弗自覺乃與禽犢同一朝
發深省妙理仍昭融要須大敵勇鉤援臨崇墉不見簞
瓢人四勿收殊功

先民不可見懷哉金玉音士雖一命微愛物宜存心矧
茲園扉內白日變重陰求情華楚下寃哉詎能禁譁嘩
漫弗省鬼神為悲吟子往蒞其職朝夕惟欽欽謹刑勿
留獄斯語真良箴

欽定四庫全書

西山文集
卷一

七

志道生日為詩勉之

我聞洙泗言惟仁靜而壽汝欲綿脩齡斯義蓋深究越
從開闢來新故更禪受巍巍獨山嶽屹立鎮宇宙其體
固而安其形博而厚噓呵雲霧興涵煦草木茂皆由一
靜功變化生萬有千古無動搖兩儀等悠久吁嗟人心
危六鑿互攻闢眇焉方寸微怵彼羣物誘擾擾無寧期
得不易衰朽汝今志于學一念貴操守天真浚其源人
偽窒其竇治容命之斧妖聲性之寇腊毒由厚味亂德

本醇耐當如禦警敵豈但惡惡臭歟然肅標靈神物森
左右融融湛虛明役役息紛揉還吾性之仁萬善此其
首但存達德三可卜與齡九不勝玉女心持用薦杯酒

題全氏三桂堂

唐人重科甲擬以折桂榮一登羣仙籍不羨千佛經終
全歲寒姿乃比秋香清咄彼牛李輩伊優至公卿迄今
齒具人名字猶臊腥卓哉劉戶曹直氣霜稜稜一朝脫
淡墨千古揚芬馨鷄峰有名家奕葉飄儒纓庭中三嘉

欽定四庫全書

西山文集

樹屹立長寧寧西風正搖落翠葆黃金英勁節松可友
孤芳梅謂兄丁寧命諸郎我豈貪浮名愛此臭味同故
以書吾楹爾曹方楙學志取官袍青要須勉植立毋但
希騰凌已大外物小道充人爵輕當如燕山竇義方垂
世評勿效東堂說射策矜虛聲懿哉君斯言可折末俗
醒刻詩堂之楣坐觀全氏興

壽楊龢父

迅雷地中藏當此沍寒日積陰排層空初陽露微茁而

曰天地心於此見機括良猶勢方升猶木吐牙拚培壠
勿使傷怒長焉可遏此理之在人善端實初發熒熒火
將燃消涓泉欲達吁嗟道心微物欲易攻奪差之一毫
芒相去舜與桀要須二者間明辨與精察見義勇必為
歟如矢之決去惡凜勿疑割如刃之割坐令人偽消但
覺天機活四時無非春八荒皆在閭喜君生茲辰聊為
演此法願祝君壽長勿嫌吾詩拙

舞鶴亭歌

欽定四庫全書

西山文集

九

舞鶴亭空亭無鶴胡為名亦如西山賦招鶴無鶴可招
也不惡何必玄裳縞袖二八真娉婷想像標致便足使
人毛骨清仙翁好鶴非徒爾鶴德從來比君子坡仙自
謂吾不如今翁與坡豈其殊蒼苔白石有餘樂一似簞
瓢甘澹泊笑殺飛鳶太不靈貪腥嗜腐譁然爭九皋一
唳醒人耳又如片言之善應千里更笑荒林老木終日
號畢逋說吉說凶誰聽渠仙翁愛鶴愛其德我讀翁詩
三數息便好從翁痛飲醉倒斯亭邊振袂起舞學胎仙

送吳定夫西歸

吾衰倦對客晤語惟青山修竹引清風時為掩柴關
晨何人來蹋破莓苔斑驚顧復自喜不妨伴虛閑

又

世情重聲利榮塗足趨走夫君獨何為經年闕林藪東
尋金壇翁南訪玉峰叟借問兩臞仙來時輕健否

又

慈湖老仙伯乘雲賓帝鄉念之每汎瀾風味不可忘其

欽定四庫全書

西山文集

十

門多英特清文照縑緗為我勗諸賢佐道當自強

君案中有

趙元道表廣微錢子是陳和仲諸君之文故云

麻源在何許茫茫白雲端棲其一布裘何以禦風寒歸

來有餘師興盡當知還便好斲空谷賸種青琅玕

詠仁

程子精微談穀種謝公近似喻桃仁要須精別性情異
方識其言親未親

題隱者蘇翁事迹

蘇翁雲卿廣漢人隱東湖上魏公為相使帥

漕挽其來一夕邈去不知所之

魏公孤忠如孔明赤手能支天柱傾蘇公高節如子陵

寸膠解使黃河清等是世間少不得問津耦耕各其適

後人未可輕雌黃兩翁之心秋月白

卷中有詩譏魏公不足與有為者故云

題湖山清隱

西湖南山和靖廬西山東湖清隱居皇天從來具老眼

欽定四庫全書

西山文集

十

勝地不肯栖凡夫眼中四時風月景曾次萬古皇王書

夫君豈是終隱者要學川雲時卷舒

新橋行

紹定戊子長至後九日南浦新橋舉梁其明

日縣尹宋侯之壽旦也輒賦新橋行以為侯

壽

去年壽君時清溪無梁涉者危今年壽君時長虹臥波
指可期珍材遠林天發隱文石象玉神效奇蛟龜為橋

頃刻就又似仙伯工娛嬉官自憂民民自樂此事更屬
無窮思要須移此濟川手揀我王國無傾欹從今南浦
淥波上惠澤千春同渺瀰

贈小鐵面王相士

君以鐵面名自謂相人無軟語我亦鐵心人不把窮通
來問汝獨有一事欲叩君學海無底難窮尋幾時鐵拳
透鐵壁直窺千年賢聖心

贈岳相師

欽定四庫全書

西山文集

上

余方與友人劉定甫論西銘而岳相師來索

詩遂直書以贈

平生慣讀橫渠銘不讀許負天網書窮通歡戚若有二
天之玉女元非殊但應內省無所疚何必從君問休咎
北窓燕坐寂無言時聽幽禽啼晴晝

七峯行為外舅壽

有崇南岳之五峯倚天壁立雲濛鴻我嘗振衣峯頂立
頗似吾鄉好峯七七峯五峯小大雖不齊氣象崢兀實

似之牛首我我峙雙闕蕉嶺揚梅兩奇絕南臺林磔佛

世界百丈煙霞龍洞穴仙人冠劍端且凝仙源萬疊秋

空橫

仙源謂余婆山以仙遊山水之所
自出故立今名以正此山之稱謂

縈青繚白望不

斷好似衡山山下看昇來秀孕兩宗工

謂文莊與
文公也

文章

節操為世雄百年山川久寂歷人物今有仙游翁翁才

古干將翁目巖下電千牛解剝刃有餘萬象妍蚩鏡中

現可持龍虎節可運玉帳籌才高驚衆世弗售祇令遺

愛留丹丘丹丘遺愛人人誇經界寬租惠最多后皇嘉

欽定四庫全書

西山文集

上

之錫異夢使汝有子登巍科翁壽當萬千翁年纔八十

眎昔殷大夫僅乃十之一渭川出處付何心獨探玄闕

深更深舞鶴山前春色好靜對七峯長不老

題李立父高遠樓

君家百尺樓近在環堵室處豈不佳暑溽厭煩鬱著
脚躡層梯心眼便超軼好風天外來佳月雲端出清明
湛空闊洞視了纖悉豈徒快登臨抑可驗學術大哉天
地心昭然本如日世人卑且隘動以私見室未能脫塵

凡底處識微密羨君有所樓發以靜春筆知崇與禮卑
二義貫于一燭理要高明履道貴平實庶幾足目俱不
但窺髣髴工夫妙方寸豈假身外物此境未昭融此屋
空突兀君看希聖徒陋巷暗蓬葦

以青氊與志道

衝寒暫行役遺汝以青氊要識夜眠處當如親膝前

易曰無有師保如臨父母

清溫供子職清白保家傳小令多堪法毋顯字

畫妍

獻之父子忠孝大節多可法字其末爾

欽定四庫全書

西山文集

十四

壽外舅楊開國

大中大夫漢千戶子男一位周諸侯人生到此不易得
況復寶帶懸精鏐雖然三者皆外物達人睨視如雲浮
天公最嗇是眉壽七十從來已稀有堂堂王立仙遊翁
歲比磻溪未華首碧瞳射人雙鏡懸曉窓貝葉聲琅然
問渠那得許彊健陰功久在朱陵編願翁邀嬉更千歲
做盡人間方便事却乘白鶴御丹鸞直上紫清朝玉帝

贈盱江張平仲

希季

去聖既云遠至理日以冥言道指虛玄語性雜精靈正

傳久蕪沒異學得魁橫卓哉周程張磊塊三代英妙蘊

發天地微言昭日星後來紫陽翁抑又集大成煌煌八

書訓

謂論孟大學中庸太極西銘易詩也

凜凜萬世程學者生此時坦然

有規繩但患舍康莊自趨柴與荆張君江西來頗嘗得

師承敝衣雖懸鶚猛志欲製鯨袖出文一編具辭峻而

清此士不易有歸歟更研精勿受俗學變而為寵辱驚

貧者士之常未合寧躬耕高門謹勿謁養此氣崢嶸不

欽定四庫全書

西山文集

十五

見商歌人洋洋金石聲

送王子文宰昭武

望

樵川古樂國誰遣生榛管往事忍復言念之輒長歎子
往字具人寄任良亦艱傷哉周餘民十室九孤鰥深心
察苛瘡摩手蘇痠癢願加百倍功勿作常時觀

又

熒熒匣中龍爛爛巖下電紛綸揮霍間坐子百千變雖
然事幾微易矚亦易眩悟從快處生理向靜中現健決

要安徐聰明貴韜斂潛齋有愚言或可代箴砭

又

百鍊或繞指粹白俄成緇有初諒非難其難在終之道
心眇絲粟易為羣物移不有精一功誰能勝惟危子今
如玉雪瑩潔亡少疵願言保令德歲晏以為期

又

堂堂先太史一節貫初終況有壽母賢切切唯教忠承
家諒匪易負任丘山崇可不日汲汲仰希前哲蹤敬義
欽定四庫全書
西山文集
卷一
十六
兩夾持師友交磨礪餘事作詩人毋顛鍤句工

又

平時州縣間上下意苦異善書肘或掣有志奚由遂子
今得所從展布有餘地兩賢更勗力萬物應吐氣相期
召杜功奕奕照來世不須峴首碑自有樵川誌

浦城勸糶

陽和二月春草木皆生意那知田野間斯人極憔悴殷
勤問由來父老各長喟富室不憐貧千倉盡封閉只圖

價日高弗念民已散去年值饑荒自分無噍類幸哉活

至今且復遇豐歲庶幾一飽樂養育謝天地豈期新春

來米穀更翔貴況又絕市無縱有濕且碎何由充飢腸

何由飽孥累恨不死荒年免復見憂畏我聞父老言痛

切貫心肺行行至平洲景象頓殊異白粲玉不如一升

纔十四問誰長者家作此利益事父老合掌言子文姓

陳氏起家本儒生疇昔樂賑施憶昨艱食時巨室爭謀

利米斗三百餘獨收七十二三都數千口受彼更生惠

欽定四庫全書

西山文集
卷一
十七

開庫質散衣假此賙貧匱取本不取息所活豈勝計我

曹非此翁久作溝中齒吁嗟薄俗中乃有此高義吾邦

賢使君愛民均幼穉一聞平糶家褒賞無不至或與旌

門閭

浦城沈氏

或與錫金幣獨有賴川翁寵光未之被故作

行路謠庶徹鈴齋邃且俾殖利徒聞風默知愧並生宮

壤間與我皆同氣富者盍憐貧有如兄恤弟惻隱仁之

端人人均有是頑然鐵石心何異患風痺不仁而多財

聚易散亦易惟有種德家福祿可長世不聞眉山蘇盛

美光傳記賣田救年荒生子為國器

即三蘇父子也近世三山黃長者家

喜脈施子朴為己丑大魁

不見南浦毛一惟利是嗜積穀幸年荒生

子遭黥隸天道極昭明勿作幽遠視誰歟為斯謠西山

真隱吏

挹仙亭

漢宮葦篴兒呱濟南梓柱陰扶踈富平家人正愉樂

安昌帝師工獻諛子真東南一尉耳黃綬淒涼百僚底

手持短疏叩天闕義激丹衷淚橫皆翩然一朝徑拂衣

欽定四庫全書

西山文集

六

愛君無路空依依人傳九江已仙去吳門再見是邪非

神仙茫落那可測上帝從來賞忠直天上果有驂鸞人

合領羣真朝北極自從舉手謝世間千年白鶴何時還

玉簫聲斷杉檜冷祗餘丹竈留空山谷口之孫古膚使

亭斲青冥挹仙袂耿耿應懷貫日忠飄飄豈羨凌雲氣

我來快讀華星篇清徹毛骨風冷然何當結茅最高頂

一榻容我分雲煙

贈梓潼袁君西歸

君辭萬里蜀東游海之壖所挾大易數自謂探幽玄縱

橫布籌筭妙若著之圓殷勤叩其說得數須得全人生

穹壤間其孰司陶甄短長辨鳬鶴百分夔蛇造物初何

必賦受自爾偏數有饒與之定命誰能遷理則無虧盈

一性各渾然顏跖偶壽夭堯桀非愚賢緬懷樂正子聖

門得真傳全生必全歸此語星日懸予生故多奇榮枯

聽諸天獨有任道心未死須乾乾君提空囊至又復垂

索旋豈嘗卜而來所遇非昔泉術工用乃拙為子笑且

欽定四庫全書

西山文集

九

憐矢詩苦不多聊壓瞿唐船

會三山十二縣宰

皇皇造化鈞橐籥生萬彙林滿穹壤異體實同氣痛

癢本相關彼已當一視矧惟守令職休戚我焉寄盍推

若保心睦焉撫孩穉橫目事征求往往學頑犂剥膚

已侵鷹擊毛盡擎但期已豐腴皇恤彼憔悴近來二十

年貪風日滋熾蒲萄得涼州西園闕成市環瞻郡邑間

大半皆汚吏民窮盜乃起原野厭枯骨哀哉惟禍徒念

之輒揮涕天地忽開張清飈掃氛曠我乃於此時擁旄
忝為帥顧慙老儒生蹇拙乏長技同官為僚友努力圖
共濟惟聞古大都星羅邑十二豈無良大夫與我同厥
志要如羔羊直委蛇自無愧勿為碩鼠貪躑躅乃多畏
上方明黜陟我亦公舉刺民言即豐碑令問疾郵置黃
堂一卮酒殷勤抒至意慎勿多酌余憂心正如醉

游鼓山

六月二日偕潛夫參謀諸友游鼓山飲湧泉

欽定四庫全書

西山文集

子

亭明旦登天風海濤坐白雲亭追懷昔游愴

然有感偶成拙詩奉呈并簡任山明師

嚴宸有追詔趣上太守符疲民未蘇醒還顧空躊躇來
尋靈源盟喜與佳客俱始酌清冷泉一浣丹墨滂超然
煩溽中著身在水壺遲明陟危亭雲濤渺空虛煙霏倏
開闔峰巒時有無偉哉此絕觀雄壓東南隅蒼崖萬仞
立四面環瓊瑤翠木巧蔽虧亭午清陰敷令人澹忘歸
似到真華胥憶昨汎蓮日選勝邀朋徒摩挲巖上刻慨

仰趙與朱舉觴酌且盟一節期終初重来三十年恍如

隔朝晡並游四五人存者獨老癯有懷子陳子感歎為

歎戲子抱明月終我方長涂趨顛踣懼不免微省當何

如願言祝同社著力相携扶禪伯亦可人新結峰頂廬

老我故勸游軒冕非所娛會須脫塵鞅來依嬾瓚居

律詩

題來青館

軒牕幽雅主人亦好事不俗遠
余二詩頗可喜故書此以遺之

客夢成時夜向闌幽泉挾雨響潺潺清魂便覺超塵世

欽定四庫全書

西山文集

子

何況真栖巖石間

泉州貢院舉梁八詠

萬間貢宇舊巍巍更闢新楹廣舊規豈為儒生決科計

要培宗社太平基

雲斤初運日逢甲虹影乍橫星值奎天相斯文兆先見

不須佳識指金雞

棘闈曾闢大江東喚起秦淮兩螯龍況是此邦饒俊彥

何愁盛事不重重

江東潛司舊無貢闈丙子始創之
於清溪秦淮之上方興後間有物